



## 'Škrtac je onaj u čijem prisustvu budem spomenut, a on na mene ne donese salavat.'

Prenosi se od Husajna b. Alija b. Ebi Taliba, da je rekao: "Poslanik, sallallahu 'alejhi ve sellem, kazao je: 'Škrtac je onaj u čijem prisustvu budem spomenut, a on na mene ne donese salavat.'"

[صحيح] [رواه الترمذي والنسائي في الكبرى وأحمد]

Poslanik, sallallahu alejhi ve sellem, upozorio je na izostavljanje salavata na njega prilikom spominjanja njegovog imena, nadimka ili opisa. Rekao je: "Škrtac je onaj u čijem prisustvu budem spomenut, a on na mene ne donese salavat." Ovo je iz više razloga: Prvi razlog: to je škrtarenje na nečemu što čovjeka ništa ne košta, ne troši imetak, niti zahtijeva ikakav napor. Drugi razlog: uskraćuje samom sebi nagradu za donošenje salavata na Poslanika, sallallahu alejhi ve sellem, jer time što se suzdrži od donošenja salavata, ne izvršava obavezu koja mu je naređena i kojom bi postigao nagradu. Treći razlog: donošenje salavata predstavlja ispunjavanje dijela prava Poslanika, sallallahu alejhi ve sellem, koje ima kod nas. On je taj koji nas je podučio, uputio i pozvao Allahu, te nam donio Objavu i Božiji zakon. On je, nakon Allahove milosti, razlog naše upute. Onaj ko ne donosi salavat na njega, uskraćuje sebi nagradu i zanemaruje pravo Poslanika, koje je jedno od najosnovnijih prava koja mu pripadaju.

<https://www.sunnah.global/hadeeth/bs/show/5403>

